

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Dronët rusë sjellin luftën deri në Moldavi dhe Rumani - Euronews Albania
ADRESA	https://euronews.al/dronet-ruse-sjellin-luften-deri-ne-moldavi-dhe-rumani/
BURIMI	euronews.al
GJENDJA	online

KOHA


KAPUR NGA NE	14 shtator 2026, 07:37:45 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	14 shtator 2026, 07:31:32 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	d7a05613ff2868b11880a711be21479eabe19aa1339187fc4387c4d9de8f7453
TEKSTI	516a20ee082e2cb595edd77fa6a809e02bc9eee1cd4e9cb644e2bd3cfbfce1b3
PAMJA	db032eb32ff8630c253ae75f7e614edcc81f377c324e3ce4e267aa7550e53049

ZINXHIRI I PROVËS

KJO HYRJE	422111e21bd13fa806ec91c11aca1eeaf280c8f159889378418749a09950b92
E MËPARSHMJA	—
RRËNJA MERKLE	ac1c8d986ca8a5982bff13c00b3f40fb9a36fbd6d516390a812a54ba861f1b0b
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahajo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/422111e21bd13fa806ec91c11aca1eeaf280c8f159889378418749a09950b92>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

TREND

SHBA Donald Trump Viti i ri shkollor Inteligjenca Artificiale Alket Rizai

BOTA

Dronët rusë sjellin luftën deri në Moldavi dhe Ruman

14 Shtator 2026 | 09:31

Për ukrainasit, lufta ajrore e Rusisë është prej vitesh një realitet i përgjakshëm dhe i hidhur. Nga raketat, bombat ajrore dhe dronët, çdo ditë humbin jetën njerëz në Ukrainë. Në një masë shumë më të vogël, ndikohen edhe fqinjët e Ukrainës në Evropën Qendrore dhe Juglindore, kur raketa dhe dronë depërtojnë në hapësirën e tyre ajrore ose herë pas here rrëzohen në territorin e tyre.

Por tani lufta ruse me dronë po afrohet gjithnjë e më kërcënueshëm pranë dy fqinjëve të Ukrainës: Republikës së Moldavisë dhe Rumanisë. Ndërkohë, pothuajse çdo ditë regjistrohen incidente me dronë në territoret e të dyja vendeve. Shpesh ato shpërthejnë dhe tashmë ka pasur edhe persona të plagosur. Kohët e fundit janë shtuar edhe sulmet ndaj pikave ukrainase të kontrollit kufitar me Republikën e Moldavisë dhe me Rumaninë.

Sulmet janë zgjeruar aq shumë, saqë sipas shumë vëzhguesve nuk mund të flitet më për rastësi. Ata dyshojnë se Kremlin synon ta përhapë qëllimisht luftën edhe në dy vendet fqinje të Ukrainës. Një nga shpërthimet më të fundit të dronëve, të martën (08.09.2026), shkaktoi reagime të forta, sepse si pasojë u vonua ngritja e avionit të presidentit ukrainas, me Volodymyr Zelenskyn në bord, nga kryeqyteti moldav Kishinau.

Manovër e qëllimshme?

Çfarë kishte ndodhur konkretisht? Një dron rus i tipit më të ri Geran, i pajisur me motor reaktiv dhe i aftë të fluturojë me shpejtësi deri në 500 kilometra në orë, ishte nisur të martën pasdite vonë nga gadishulli i pushtuar i Krimesë dhe, duke ardhur nga Ukraina, depërtoi fillimisht në hapësirën ajrore të Moldavisë e më pas në atë të Rumanisë. Atje, pas një kthese të papritur, ai u rikthye sërish në hapësirën ajrore moldave. Në veri të vendit, pranë lokalitetit Rîșcani, droni u rrëzua në një arë me luledielli dhe shpërtheu. Trajektorja e fluturimit të dronit lë të kuptohet se bëhej fjalë për një manovër të qëllimshme.

Avioni i presidentit ukrainas nuk u “godit për pak”, siç ishte raportuar fillimisht në disa media. Droni u rrëzua rreth 160 kilometra në veri të Aeroportit Ndërkombëtar të Kishinaut. Megjithatë, trajektorja e tij kalonte përmes territorit të gjithë Republikës së Moldavisë dhe, për një periudhë të caktuar, kaloi pranë kryeqytetit moldav Kishinau, si edhe më vonë pranë metropolit rumun të Iașit, në verilindje të Rumanisë. Për këtë arsye, hapësira ajrore e Moldavisë u mbyll plotësisht për rreth një orë. Aeroporti i Kishinaut, si edhe aeroporti i qytetit Iași në Ruman, pezulluan përkohësisht operacionet e fluturimit. Edhe Volodymyr Zelensky, i cili ishte në rrugë për në Oslo, mundi të nisej vetëm me vonesë.

Gjithnjë e më shumë incidente

Aspekti më i rëndë i këtij incidenti ishte se ai tregoi edhe një herë se Moldavia mund ta mbrojë hapësirën ajrore të vendit vetëm në mënyrë shumë të kufizuar. Droni u zbulua dhe u ndoq nga sistemet e monitorimit ajror, por nuk ishte e mundur të rrëzohej. Sipas të

LAJMI I FUNDIT

09:30 Trump vlerëson punën e Witkoff dhe Kushner: Nuk ka më shumë luftime në Gaza

09:28 Sulmet ruse pranë kufirit, Tusk: Veprimet e Moskës po rrisin kërcënimin, po përgatitemi për përshkallëzim

SHPËRNDAJE ARTIKULLIN

09:26 Përplekja e SHBA-së për uljen e çmimeve të ilaçeve mund të sjellë pritje më të gjata për pacientët europianë

09:22 Kane shënon golin e 150-të për Bayernin në fitoren ndaj Elversbergut

09:15 “Zhdukjet” Alket Rizai, si ndodhi konflikti në plazhin grek ku u përfshi “magjistari i arratisjeve”

09:05 Vazhdon seanca në Hagë ndaj ish-krerëve të UÇK-së, palët japin sot përgjigjet përfundimtare

TESTIM

dhënave publike, Moldavia disponon vetëm një numër të vogël raketash kundërajrore polake Piorun, të cilat mund të mbrojnë, në rastin më të mirë, vetëm objekte të caktuara.

Kurse në Rumani, nga baza ajrore e NATO-s në Kogălniceanu, pranë portit të Konstancës në Detin e Zi, u ngritën dy avionë luftarakë. Megjithatë, mbetet ende e paqartë pse ata nuk e rrëzuan dronin, siç ka ndodhur në disa raste gjatë javëve të fundit. Në total, që nga fillimi i gushtit 2026, në Republikën e Moldavisë dhe në Rumani janë regjistruar dhjetëra incidente me dronë. Këto përfshijnë kryesisht shkelje të hapësirës ajrore, por edhe rrëzime, shpërthime, gjetje mbetjesh të dronëve dhe, në Rumani, disa raste të rrëzimit të tyre nga forcat ushtarake. Vetëm në Republikën e Moldavisë, sipas të dhënave zyrtare, gjatë muajit gusht u rrëzuan 17 dronë, aq sa gjatë gjithë vitit të kaluar së bashku.

Të vdekur në pikën e kontrollit kufitar

Incidenti më i fundit ndodhi natën e së mërkurës (09.09.2026) në pikën kufitare ukrainase të Starokosaçes, në juglindje të Republikës së Moldavisë. Kalimi kufitar u dëmtua nga një sulm me dronë dhe ndodhet rreth një kilometër larg territorit moldav. Si pasojë e sulmit, dy persona humbën jetën, ndërsa dy të tjerë u plagosën, mes tyre edhe një shtetas i Republikës së Moldavisë. Moldavia i dënoi ashpër sulmet me dronë. Presidentja Maia Sandu deklaroi të mërkurën se lufta e Rusisë tashmë ka arritur deri në kufirin e Moldavisë. “Është e vështirë të kuptohet se si, përballë këtij realiteti, ende ka zëra që përpiqen t’i bindin moldavët se Rusia nuk është agresori ose se lufta në fqinjësinë tonë nuk na prek”, tha Sandu.

Edhe kryetari i Parlamentit të Moldavisë, Igor Grosu, shkroi në Facebook se bëhet fjalë për incidente që “nuk mund t’i konsiderojmë më si diçka të largët”. Sipas tij, kërcënimi që vjen nga Rusia nuk është një “fantazmë” dhe as propagandë. “Ai është një realitet i përditshëm”, theksoi Grosu.

Operacion i planifikuar

Eksperti moldav për çështjet ushtarake dhe të sigurisë, Rosian Vasiloj, ish-shef i Policisë Kufitare të Moldavisë, shkroi në Facebook pas rrëzimit të fundit të një droni në Republikën e Moldavisë: „Ky është një operacion i planifikuar i shtetit agresor.”

Ai iu referua, ndër të tjera, trajektore të pazakontë të fluturimit të dronit, veçanërisht kthesës së papritur që e riktheu atë në hapësirën ajrore moldave. Vasiloj thekson, se „ne nuk mund ta shohim më hapësirën tonë ajrore të ndarë nga ajo e Ukrainës dhe e Rumanisë. Ukraina, Republika e Moldavisë dhe Rumania përbëjnë tashmë një hapësirë të ndërlidhur operationale sa u përket kërcënimeve ajrore dhe ndikimit të tyre në ndërlidhjen rajonale.”

Rumania deri më tani nuk ka reaguar publikisht ndaj incidenteve më të fundit. Megjithatë, qeveria rumune kishte ndërmarrë që në korrik një ndryshim të rëndësishëm politik dhe ushtarak: pas një periudhe të gjatë përmbajtjeje, ajo filloi të rrëzojë dronë që depërtojnë në hapësirën ajrore rumune. Gjenerali i pensionuar rumun Virgil Bălăceanu, një ekspert i njohur dhe komentator i shpeshtë në mediat rumune, i bëri thirrje udhëheqjes së Rumanisë të përshpejtonte forcimin dhe zgjerimin e mbrojtjes ajrore të vendit. Edhe Bălăceanu është i mendimit se incidenti me dronin të martën nuk ishte një rastësi, por një manovër e qëllimshme.

Instituti amerikan Institute for the Study of War (ISW), një nga qendrat më të njohura kërkimore për luftën ruse kundër Ukrainës, shkroi pas incidentit me dronin të martën se nuk ka prova të qarta që shkelje të tilla të hapësirës ajrore të jenë të qëllimshme, megjithatë, sipas ISW-së, mund të thuhet se Rusia përfiton nga incidentet të tilla. Veçanërisht përdorimi i modeleve më të reja dhe më të shpejta të dronëve rusë Geran synon të “testojë më tej sistemet e mbrojtjes së NATO-s dhe të Republikës së Moldavisë, si edhe reagimin e të gjithë Aleancës së NATO-s”. Edhe nëse nuk mund të provohet se depërtimet në hapësirën ajrore të Moldavisë dhe Rumanisë janë të planifikuara qëllimisht, ekspertët e ISW-së vlerësojnë se Rusia i shfrytëzon këto incidente për të vëzhguar dhe vlerësuar aftësitë mbrojtëse të vendeve fqinje dhe të NATO-s./DW

Shiko në:

| LAJME TË SUGJERUARA

BOTA

Trump vlerëson punën e Witkoff dhe Kushner: Nuk ka më shumë luftime në Gaza

Presidenti i SHBA-së, Donald Trump, ka lavdëruar punën e të dërguarve të tij të posaçëm, Steve Witkoff dhe Jared Kushner , mes raportimeve se ai po shqyrton dhënien e një roli në...

09:30 | 14/09/2026

BOTA

Sulmet ruse pranë kufirit, Tusk: Veprimet e Moskës po rrisin kërcënimin, po përgatitemi

per persnkaiezim

Pas sulmit me dron rus të së dielës në Ukrainën perëndimore, forcat e armatosura polake u vunë në gatishmëri të lartë. Sistemet polake zbuluan disa...

09:28 | 14/09/2026

BOTA | EVROPA

Gjermania synon një fillim të ri me Hungarinë, ministri i jashtëm bën vizitën e parë që nga rrëzimi i Orbanit

Ministri i Jashtëm gjerman, Johann Wadephul e përshkroi udhëtimin e tij në Budapest të hënën – i pari i një ministri të jashtëm gjerman në...

09:04 | 14/09/2026

TEMA

Vendi
Rajoni
Bota
Video

SHËRBIME

Live
Lajmi fundit
Na ndiqni
Euronews Radio
Për persona me aftësi të kufizuara

KOMPANIA

Rreth Euronews
Kushtet e përdorimit
Politika e cookie
Kontaktoni

Follow Euronews on all platforms: